



OYSTER PERPETUAL DATEJUST



ROLEX
MICHELSEN
URSMIDIR SÍÐAN 1909
Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 11. september 2013 | 25. tölublað | 9. árgangur

Sími: 512 5000 | [visir](http://www.visir.is) www.visir.is



STÆRSTA EINKAFRAMKVÆMDIN FRÁ HRUNI

→ Viðtal við Rannveigu Rist, forstjóra Río Tinto Alcan á Íslandi.

→ Rekstur álversins er þungur um þessar mundir.

→ ÍSAL hefur hafið framleiðslu á virðisaukandi álstöngum.

Eimskip lækkaði við húsleit

Gengi hlutabréfa Eimskips lækkaði um 2,2 prósent í kauphallarviðskiptum gærdagsins. Kauphöllin tilkynnti í gærmorgun um húsleit Samkeppnis-efirlitsins hjá Eimskipi vegna gruns um brot á 10. og 11. grein samkeppnislaga. Eftir tilkynninguna lækkaði gengi bréfanna skarpt, um sem nemur fimm prósentum, en rétti sig svo aðeins við. „Greinarnar kveða á um bann við samkeppnis-hamlandi samningum og samstilltum aðgerðum fyrirtækja og misnotkun markaðsráðandi fyrirtækja á stöðu sinni,“ segir í tilkynningu sem IFS greining sendi frá sér í gær. Félagið hefur tíma-bundið tekið Eimskip af lista félaga sem IFS gefur út álit á. „Felur það í sér að síðasta virðismat er ógilt þar til frekari upplýsingar um málið berast.“

Innkalla 780 þúsund bifreiðar

Japanski bílaframleiðandinn Toyota hefur tilkynnt um innköllun á um 780 þúsund bifreiðum fyrirtækisins í Bandaríkjunum. Ástæðan er galli í fjöðrunarbúnaði.

Innköllun Toyota tekur til bifreiða af undirgerðinni Lexus HS, árgerðir 2005-2010, og RAV4, árgerðir 2006-2011.

Þetta er í annað sinn á stuttum tíma sem Toyota tilkynnir um innköllun á þessum tilteknu undirgerðum vegna fjöðrunarbúnaðarins. Í tilkynningu frá Toyota kemur fram að viðgerðir í fyrri innköllun hafi ekki skilað tilætluðum árangri.

Páll Þorsteinsson, upplýsingafulltrúi Toyota á Íslandi, segir innköllunina ekki ná til Toyota-bifreiða sem seldar eru hér á landi.

Neikvæð afkoma á 2. fjórðungi

Tekjuafkoma hins opinbera var neikvæð um 16,3 milljarða króna á öðrum ársfjórðungi 2013. Fram kemur í umfjöllun Hagstofu Íslands að niðurstaðan sé lakari en á sama tíma í fyrra. Þá var hallinn rúmir 14 milljarðar króna. „Tekjuhallinn nam 3,8 prósentum af landsframleiðslu ársfjórðungsins eða 8,7 prósentum af tekjum hins opinbera,“ segir í umfjöllun Hagstofunnar.

Fyrstu sex mánuði ársins er tekjuhallinn sagður hafa numið 6,8 prósentum af tekjum hins opinbera, en á sama tímabili 2012 var hallinn 6,3 prósent af tekjum.

Getum við bætt reksturinn?


Advania hefur þróað fjölda snjallausna fyrir atvinnulífið sem styðjast við Android, Apple iOS og Windows stýrikerfin. Við færum fyrirtækjum ávinning af hagnýtingu snjalltækja.



Starfsmenn snjallausna Advania eru til þjónustu reiðubúnir í síma 440 9000. Nánari upplýsingar má finna á www.advania.is/app




Heildarfjöldi erlendra gesta til Íslands



Samkvæmt opinberum tölum frá Ferðamálastofu um heildarfjölda erlendra gesta komu 672.000 erlendir ferðamenn til landsins árið 2012. Árið 2013 er gert ráð fyrir að ferðamannafjöldi fari yfir 800.000. Í febrúar 2002 hóf Ferðamálastofa talningar í Leifsstöð en Útlendingaeftirlitið annaðist talningar áður. Áætlað er að tölur í gegnum Leifsstöð nái yfir 96% erlendra gesta sem koma til landsins, þ.e. 4% komi um aðra flugvelli, með Norrænu og öðrum skipum. Frá árinu 2002 og til og með 2012 er árlegur vöxtur erlendra ferðamanna hingað til lands um 8%. Á sömu mynd að ofan er spá Ferðamálastofu frá árinu 2005 um fjölda erlendra gesta í gegnum Leifsstöð þar sem miðað er við 3%, 6% og 9% aukningu.

Fjöldi erlendra gesta um Leifsstöð og erlend kortavelta innanlands



Komur erlendra ferðamanna er mestur í ágúst mánuði og sýna topparnir á myndinni það. Myndin að ofan sýnir annars vegar fjölda erlendra gesta um Leifsstöð í hverjum mánuði (vinstri ás/brúna línan) og erlenda kortaveltu innanlands á verðlagi hvers árs (hægri ás/bláa línan) frá árinu 2002 skv. tölum frá Hagstofunni. Árið 2002 voru erlendar gestkomur um Leifsstöð samtals 50.537 í ágúst en í sama mánuði 2012 var fjöldinn orðinn 115.279 sem er 128% aukning. Erend kortavelta innanlands er að sama skapi mest í ágúst mánuði ár hvert og jókst veltan um 503% á sama tíma sé miðað við ágúst mánuð árið 2002 og 2012. (Innskot DataMarket. Á föstu verðlagi 2012 mælist aukningin 237%).

Fimmtudagurinn 12. ágúst

- Útboð ríkisvíxla
- Föstudagurinn 13. ágúst**
- Vísitala launakostnaðar á 2. ársfjórðungi 2013
- Fjármál ríkissjóðs á greiðslugrunni og peningalegar eignir
- Stöðutölur í júlí 2013
- Peningalegar eignir og skuldir ríkissjóðs – stöðutölur í júlí 2013

Þriðjudagur 17. ágúst

- Samræmd vísitala neysluverðs í ágúst 2013
- Vísitala íbúðaverðs á höfuðborgarsvæðinu

Miðvikudagur 18. ágúst

- Upplýsingar um leiguverð íbúðarhúsnæðis

Fimmtudagur 19. ágúst

- Velta samkvæmt virðisauka-skattsskýrslum janúar til júní 2013

Allar markaðsupplýsingar eru aðgengilegar á vísir

Ísfélagið greiddi 1,2 milljarða króna í arð

Hagnaður Ísfélagsins í Vestmannaeyjum nam 3,4 milljörðum króna á síðasta ári. Tæpur milljarður af arðgreiðslu síðasta árs rann til stærsta eigandans. Eignir félagsins nema 28 milljörðum.

SIÁVARÚTVEGUR

Óli Kristján Ármannsson | olikr@frettabladid.is

Í nýlega birtum ársreikningi Ísfélagsins í Vestmannaeyjum kemur fram að félagið hafi hagnast um 28,3 milljónir Bandaríkjadala á síðasta rekstrarári. Í íslenskum krónum nemur hagnaðurinn rúmlega 3,4 milljörðum króna. Hagnaður félagsins dróst



saman um rúm 23 prósent milli ára.

Þá kemur einnig fram í reikningnum að arður til hluthafa á síðasta ári hafi numið 9,9 milljónum dala, eða sem svarar 1,2 milljörðum króna.

Stærsti eigandi Ísfélagsins með 88 prósent hlut er ÍV fjárfestingarfélag, en samkvæmt upplýsingum Creditinfo á Fram ehf. þann hlut að fullu. Fram ehf. er að 91,7 prósentum í eigu Guðbjargar M. Matthíasdóttur, sem samkvæmt því hefur í fyrra fengið tæpar 970 milljónir króna greiddar í arð.

Greiddur arður á síðasta ári var heldur meiri en árið áður. Þá námu arðgreiðslur 6,9 milljónum dala, eða sem svarar tæpum 840 milljónum króna. Fram kemur í ársreikningnum að stjórn Ísfélagsins hafi einnig ætlað að

136 Hluthafar Ísfélags Vestmannaeyja eru 136 talsins. Eignarhaldsfélag Guðbjargar M. Matthíasdóttur á 88 prósent hlut. Enginn annar á yfir 10%.

leggja til við aðalfund í sumar að greiddur yrði út arður á þessu ári.

Í skýrslu stjórnar Ísfélagsins er vísað til þess að samkvæmt efnahagsreikningi nemi eignir félagsins ríflega 231 milljón dala, eða sem svarar um 28 milljörðum króna. Bókfært eigið fé Ísfélagsins í lok síðasta rekstrarárs var 101,4 milljónir dala, eða 12,3 milljarðar króna og eiginfjárhlutfallið 43,9 prósent.

Fram kemur að í árslok 2012 hafi 136 átt hlut í Ísfélaginu, en ÍV fjárfestingarfélag er eini hluthafinn sem á yfir tíu prósent hlut.

Áður hefur komið fram að önnur útgerðarfyriretaki hafa skilað umtalsverðum hagnaði á síðasta rekstrarári. Síðarvinnslan í Neskaupstað hagnaðist um sjö milljarða króna og greiddi eigendum sínum tvo milljarða í arð. Samherji skilaði hagnaði upp á 16 milljarða á síðasta starfsári og HB Grandi hagnaðist um sem svarar 2,4 milljörðum króna.

Alþingi samþykkti í sumar lög um lækkan veidigjalds. Það hefur í för með sér að tekjur ríkissjóðs af veidigjöldum fyrir aflaheimildir verða 3,2 milljörðum króna lægri á árinu 2013 en upphaflega var ráð fyrir gert í fjárlögum.

Styrkingin sem varð á gengi krónunnar í ágúst hefur gengið til baka:

Krónan ekki verið veikari síðan um miðjan júnímánuð

Gengi íslensku krónunnar hefur það sem af er september mánuði lækkað um 1,3 prósent gagnvart meðaltali helstu viðskiptamynta. Evran fór á umræddu tímabili úr því að kosta 158,2 krónur í 160,4 krónur. Bandaríkjadalur fór úr því að kosta 119,8 krónur í 121,5 krónur.

Greiningardeild Íslandsbanka greindi frá þessu í Morgunkorni bankans í gær.

Þar segir að krónan hafi ekki verið veikari síðan um miðjan júní á þessu ári og að öll styrkingin sem varð á gengi hennar undir lok ágúst mánaðar sé gengin til baka. Þrátt fyrir þessa lækkan síðustu daga hefur þróunin verið önnur en á sama tíma í fyrra. Um miðjan ágúst 2012 hóf krónan hraða veikingarhrinu og lækkan hennar gagnvart meðaltali helstu viðskiptamynta var 5,2 prósent um miðjan september 2012.



Í BÚÐINI Veiking krónunnar fer út í verðlag. FRÉTTABLAÐIÐ/VILHELM

Gengi krónunnar nú hefur veikt vegna styrkingarinnar undir lok ágúst mánaðar en þegar horft er til gengisins um miðjan ágúst á þessu ári er staðan að mestu óbreytt.

Greiningardeild Íslandsbanka reiknar með því að þessi mikla veiking krónunnar haustið 2012 muni ekki endurtaka sig með sama hætti í ár.

„Minna er um afborganir erlendra lána aðila sem ekki eru

með gjaldeyriskjör og árstíðar-sveiflan í gjaldeyriskjörum ferðapjónustunnar er minni. Einnig má búast við meiri gjaldeyriskjörum af sjávarafurðum þegar líður á haustið vegna aukins kvóta. Þá hefur haft áhrif að Seðlabankinn lýsti því yfir í maí síðastliðnum að hann hygðist verða virkari á gjaldeyrismarkaði á næstunni með það að markmiði að draga úr gengissveiflum,“ segir í Morgunkorni Íslandsbanka. -hg

FRAMTÍÐ ÍSLENSKA FJÁRMÁLAKERFISINS

Hver ættu leiðarljós uppbyggingar að vera?

Föstudaginn 13. september 2013 kl. 8:15-10:30 í Norðurljósasal Hörpu

Aðalræðumaður er Hans Dalborg, fyrrverandi forstjóri og stjórnarformaður Nordea

Dagskrá

- 8:30-8:40 Opnunarávarp
- 8:40-9:10 Rebuilding a Financial Sector - Lessons Learned From the Swedis Experience
- 9:10-9:30 Hvernig stuðlum við að stöðugra fjármálakerfi
- 9:30-9:50 Leiðarljós FME við uppbyggingu fjármálakerfisins
- 9:50-10:20 Panelumræður: Hver eru helstu tækifæri og áskoranir íslenskra fjármála fyrirtækja?
- 10:20-10:30 Samantekt



Nánari upplýsingar og skráning á www.vi.is
Aðgangur er ókeypis en sætafjöldi takmarkaður

Bakhtarlar fundarins eru:



Arion banki



Íslandsbanki



Við bjóðum fyrirtækjum sérþekkingu



Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Hjá Íslandsbanka starfar hópur fólks sem býr að áratuga reynslu af ráðgjöf við stór og smá fyrirtæki í verslun og þjónustu og hefur viðtæka sérþekkingu á fjárhagsumhverfi þeirra. Þannig getum við ávallt tryggt þeim þá bankaþjónustu sem þau þarfnast.

Þekking sprettur af áhuga.

Hrafnhildur Garðarsdóttir hefur áralanga reynslu í ráðgjöf til fyrirtækja í verslun og þjónustu, auk 20 ára reynslu í hótél- og veitingageiranum.

Hrafnhildur er viðskiptastjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki

Róðurinn verður þungur næsta árið

Rekstur álvers ISAL í Straumsvík er þungur um þessar mundir að sögn Rannveigar Rist, forstjóra Rio Tinto Alcan á Íslandi. Sú staða er að hennar sögn tilkomin vegna ýmissa þátta, meðal annars vegna lágs álverðs, kostnaðarsamra aðfanga og raforkuskatts stjórnvalda. Í ofanálag fór álverið í kostnaðarsamar framkvæmdir sem skiluðu ekki áætlaðri aukningu í framleiðslugetu. Aðrar framkvæmdir í Straumsvík ganga þó vel og álverið er nú farið að framleiða álstangir sem eru talsvert verðmætari en álbarrarnir sem álverið framleiddi áður.

ÍÐNAÐUR

Haraldur Guðmundsson | haraldur@frettabladid.is

Árið 2010 ákvað Rio Tinto Alcan, sem rekur álver ISAL í Straumsvík, að fjárfesta í stærstu innlendu einkaframkvæmdinni frá hrúni. Kostnaður við verkefnið er nú kominn í 55 milljarða króna og það mun á endanum kosta álverið fimm milljarða til viðbótar.

Kostnaðurinn er á við samantlagðan hagnað álversins yfir tíu ára tímabil en álverið hefur einnig þurft að taka lán til að standa undir framkvæmdum. Framkvæmdirnar hafa nú þegar farið vel yfir 600 ársverk og þegar mest var voru um þúsund manns í hádegismat í mötuneyti álversins á hverjum degi.

Mikil vonbrigði

Einn stærsti hluti verkefnisins í Straumsvík, að ná fram straumhækkun með breytingum á straumleiðurum álversins, og þannig auka framleiðslugetu þess um tuttugu prósent, úr 190 þúsund tonnum í 230 þúsund, reyndist of flókin í framkvæmd og í vor var tekin ákvörðun um að verja ekki meiri fjármunum í hann.

„Niðurstaðan var mikil vonbrigði fyrir okkur því við erum búin að leggja í alla fjárfestinguna en náum ekki þeirri framleiðsluaukningu sem gert var ráð fyrir. Við gerum miklar kröfur í öryggismálum og menn sáu enga leið til að gera þetta með örugum hætti þrátt fyrir að við séum búin að reyna mikið til að láta þetta ganga. Við erum búin að kaupa verkfræðipjónustu fyrir ellefu milljarða og fjárfesta í dýrum búnaði sem var sérsniðinn að álverinu, sem að stórum hluta liggur hér ónotaður úti á plani. Það gekk ekki að byggja nýtt álver á sínum tíma og ekki heldur að auka framleiðslugetuna um tuttugu prósent. Við erum því svolítið að reka okkur á vegg,“ segir Rannveig Rist, forstjóri Rio Tinto Alcan á Íslandi. Hún bendir á að þessi hluti fjárfestingarverkefnisins fól einnig í sér breytingar á lofthreinsibúnaði. Þær breytingar standa nú yfir og verður að hennar sögn lokið við þær.

Þegar ljóst var að álverið næði ekki þeirri framleiðsluaukningu sem upphaflega var gert ráð fyrir, var hafist handa við að finna aðrar leiðir til að auka framleiðslugetu álversins. Athuganir sérfræðinga leiddu þá í ljós að hægt var að ná fram töluverðri straumhækkun, og þar af leiðandi aukinni framleiðslugetu, með breytingum á rafmagnsbúnaði álversins.

„Með breytingum á rafmagnsbúnaði náum við átta prósentu framleiðsluaukningu sem þýðir framleiðslugetu upp á 205 þúsund

tonn. Við stefnum að verklokum í þeim hluta verkefnisins snemma á næsta ári en hér hafa einnig verið erlendir og innlendir sérfræðingar að vinna við að finna leiðir til að auka framleiðslugetu álversins umfram þessi átta prósent með frekari breytingum á rafmagnsbúnaði. En það er ljóst að sú vinna tekur nokkur ár,“ segir Rannveig.

Aðrar framkvæmdir gengið vel

Ákvörðunin um að hætta við breytingar á straumleiðurum álversins hafði að sögn Rannveigar engin áhrif á aðra meginþætti verkefnisins í Straumsvík. Framkvæmdum við breytingar á rafmagnsbúnaði í aðveitustöð er nú lokið og áfram verður unnið að breytingum á steypuskála svo álverið geti að fullu skipt yfir í framleiðslu á álstöngum í stað álbarranna.

„Steypuskálabreytingarnar, sem við reiknum með að klárast á fyrsta ársfjórðungi næsta árs, gerðu okkur kleift að hefja framleiðslu á nýrri framleiðsluvöru, álstöngum, sem eru verðmætari en álbarrarnir sem við höfum framleitt. Það sem er mjög jákvætt við þessar framkvæmdir allar er að við vorum með 100 prósent framleiðslu í virðisaukandi vörum á sama tíma og framkvæmdirnar áttu sér stað og erum nú að framleiða enn verðmætari vöru. Það er mikil framtíð í álstöngunum og þær munu stuðla að því að ÍSAL eigi langt líf fyrir höndum. Fyrsta sendingin af stöngum sem fór frá okkur fullnægðri öllum kröfum viðskiptavina okkar og það er eftir því sem mér skilst mjög sjaldgæft þegar um er að ræða fyrstu sendingu. Þessi hluti verkefnisins hefur því gengið vel,“ segir Rannveig og bankar í borðið til öryggis.

Sérkennileg umræða

Álverið í Straumsvík skilaði tapi á



Í BRÚNNI Rannveig Rist, forstjóri Rio Tinto Alcan á Íslandi, segir ákvörðunina um að hætta við breytingar á straumleiðurum álversins engin áhrif hafa á aðra meginþætti verkefnisins í Straumsvík.

FRÉTTABLAÐID/GVA

síðasta ári í fyrsta sinn í um tuttugu ár og stjórnendur þess hafa undanfarið þurft að fara í miklar aðhalds- og sparnaðaraðgerðir. Rannveig segir álverið hafa þurft að ganga lengra í þeim efnum en áður og nefnir í því sambandi uppsagnir á um tíunda hluta af mannafla álversins.

„Álverð er lágt og er búin að vera lágt í langan tíma. Á sama tíma eru þau aðföng sem við þurfum að kaupa dýrari en áður. Við kaupum súral og rafskaut erlendis frá og bæði aðföngin hafa hækkað í verði. Hér heima er það svo raforkan en við erum að greiða meira fyrir hana en við höfum áður gert, meðal annars vegna þess að álverðstengingin er ekki lengur við lýði. Samkeppnisáðilar okkar eru flestir með álverðstengingu og því er þetta gríðarlegur baggi á okkur, sérstaklega þegar við náum ekki þeirri framleiðsluaukningu sem gert var ráð fyrir. Við búumst því við að róðurinn verði þungur, allavega næsta árið. Svo kemur

vonandi betri tíð með blóm í haga og herra álverð,“ segir Rannveig og bætir því við að í þessu samhengi megi ekki vanmeta vaxandi eftirspurn eftir áli í heiminum.

Rannveig segir umræðuna í samfélaginu oft vera á sérkennilegum nótum þegar kemur að álverum. Hún segir sorglegt hvernig lækkiandi álverð virðist oft vera tilhlökkunarefni hjá ýmsum hópum. „Við Íslendingar mættum vera stoltari af þeirri staðreynd að við séum að framleiða þessa vöru. Í Þýskalandi eru menn að rifna úr stolti þegar Þjóðverjar framleiða nýjar lúxusbifreiðar eins og BMW, sem eru framleiddar úr áli úr Straumsvík.“

Milljón á dag í raforkuskatt

Rannveig nefnir einnig raforkuskatt stjórnvalda sem íþyngjandi þátt í rekstri álversins. Skatturinn var lagður á í desember 2009 og samkvæmt samkomulagi sem álverin gerðu við stjórnvöld átti hann einungis að vera til þriggja

Við erum búin að fjárfesta hér fyrir 55 milljarða á meðan aðrir höfðu ekki trú á þessu landi og höfum á undanförunum fimm árum borgað að meðaltali einn milljarð í tekjuskatt á ári.

ára. Í desember síðastliðnum ákvað síðan þáverandi ríkisstjórn að framlengja raforkuskattinn um þrjú ár til viðbótar. Álverið hefur að sögn Rannveigar greitt um eina milljón króna á dag í raforkuskatt.

„Við erum mjög skattþínd og það er sárt að sitja enn uppi með raforkuskattinn á tímum þegar fækka hefur þurft stöðugildum í Straumsvík. Við gátum borgað þennan skatt þegar álverð var herra en nú er það mjög erfitt. Við vorum með samkomulag um orkuskipti sem átti að vera til þriggja ára og en svo var hann framlengdur einhliða af stjórnvöldum,“ segir Rannveig.

„Persónulega finnst mér við vera búin að standa okkur vel í hrúninu. Við erum búin að fjárfesta hér fyrir 55 milljarða á meðan aðrir höfðu ekki trú á þessu landi og höfum á undanförunum fimm árum borgað að meðaltali einn milljarð í tekjuskatt á ári. Því finnst mér að stjórnvöld eigi að standa við það sem samið var um, að þessi raforkuskattur yrði einungis til þriggja ára, sem nú eru liðin.“

Rannveig segir að lokum engan hjá Rio Tinto Alcan vefengja þá staðreynd að Alþingi hafi heimildir til skattlagningar. „En ef það á að byggja eitthvað hér á trausti og gagnkvæmri virðingu er þessi leið sem stjórnvöld fóru nú um áramót ekki rétta leiðin til þess.“



NÝ FRAMLEIÐSLUVARA Starfsmenn álversins skipa út álstöngunum sem Alcan hóf nýverið framleiðslu á.

FRÉTTABLAÐID/GVA



Útsala

PARKET - FLÍSAM - INNIHURÐIR

Endurnýjaður sýningarsalur með
YFIR 80 TEGUNDUM AF HARÐPARKETI Í BOÐI!


HARÐVIÐARVAL

ÞÝSKIR & ÞRÆLGÓÐIR



Support
28.900,-




Sitness
heilsu-
kollur
39.900,-



Top Point
44.900,-



Event
22.500,-



Open
Point
45.900,-



Alu Basic
53.800,-



Profi Star
129.900,-

Hirzlan

Smíðsbúð 6, 210 Garðabæ

Sími 564 5040

www.hirzlan.is

Ólík þróun heilbrigðismerkja

Gengi hlutabréfa skráðra félaga er sagt endurspeglar ágætlega afkomu og stemningu á markaði. Hækkunarir hér eru svipaðar og úti. Verð í hærri kant en hvergi nærri bóluverði.

HLUTABRÉFAMARKAÐUR

Óli Kristján Ármannsson | olikr@frettabladid.is

Alla jafna segja sérfræðingar á markaði eðlilegar skýringar á verðbreytingum hlutabréfa og telja ekki merki um bólu myndun á markaði hér. Óttinn við eignabólur litar þó gjarnan almennar umræður um hlutabréfamarkaðinn, sem starfar í um margt óeðlilegum aðstæðum, innan gjalddeyrishafa þar sem fátt er um fjárfestingarkosti og lífeyrissjóðir fara mikinn.

Sérfræðingar sem Markaðurinn hefur haft tal af telja gengi bréfa skráðra félaga ráðast af blöndu uppgjörsfregna og annarra fréttu af félögum, sem hafa verið misgóðar. Þannig skilaði sér til dæmis strax í verðþróun bréfa Eimskips fyrir hádegi í gær húsleit sem samkeppnis-yfirvöld stóðu í. Bréfin lækkuðu um rúm fimm prósent fyrir hádegi en réttu sig svo aftur aðeins við þegar leið á daginn.

Að mörgu leyti kunni því að teljast heilbrigðismerki á markaðnum að gengi félaga hafi verið misjafnt frá því í sumar, sum hafa hækkað hressilega og önnur lækkað. Uppgjör tryggingafélaganna hafi til dæmis verið nokkuð góð en uppgjör Eimskipafélagsins hafi ekki verið það. Marel hafi lækkað undanfarin misseri vegna dapurlegra uppgjöra á meðan afkoma Haga hafi verið góð og umfram væntingar. Það endurspeglar í hlutabréfaverðinu.

LÍFEYRISSJÓÐUM SKORÐUR SETTAR

Eins hefur verð hlutabréfa Icelandair hækkað rækilega, sem þarf ef til vill ekki að koma á óvart í ljósi fregna af stóru auknum komum erlendra ferðamanna hingað til lands og vexti í ferðaþjónustu.

Verð á hlutabréfum hefur hækkað mikið frá því að botni var náð eftir hrun, án þess þó að um sé að ræða samfelldar hækkunarir yfir línuna. Þá hefur hækking hlutabréfa í sumar átt sér stað samhliða hækkingum á mörkuðum erlendis, þótt hækking hér hafi ekki verið jafnmikil.

Erlendis eru markaðir líka víða sagðir komnir upp fyrir söguleg gildi og kennitölur félaga hér ekki ólíkar því sem sést á erlendum mörkuðum.

Almennt eru verðkennitölur sagðar um og yfir hundrað ára meðaltali, í hærri kant en þess þó að vera nokkurs staðar nærri þeim hæðum sem sást í netbólunni um aldamótin eða bólunni sem myndaðist í kring um fjármálafyrirtæki fyrir síðasta hrun.

Í nýlegri umfjöllun greiningardeildar Arion banka er fjallað um hlut lífeyrissjóðanna á hlutabréfamarkaði hér, en lífeyrissjóðir eiga beint í það minnsta 30 prósent af markaðsvirði íslensku hlutafélaganna á aðallista Kauphallarinnar.


Fram kemur í umfjölluninni að svigrúm sjóðanna til fjárfestinga í innlendum hlutabréfum fari nú minnkandi. Hver sjóður má lögum samkvæmt ekki eiga meira en fimmtán prósent af hlutafélagi og ekki meira en tíu prósent í fjármálafyrirtæki. Minnki eftirspurn sjóðanna eftir hlutabréfum má ljóst vera að það hefur áhrif á verð bréfa á markaði.

SKULDABRÉFAMARKAÐUR SKIPTIR LÍKA MIKLU MÁLI

„Á komandi mánuðum og miss-erum er þó útlit fyrir að félögum á innlenda hlutabréfamarkaðinum muni halda áfram að fjölga en aukið framboð fjárfestingakosta hér heima mun að einhverju leyti veita lífeyrissjóðum aukið svigrúm til fjárfestinga og dreifingar eigna,“ segir í umfjölluninni.



VERÐBREYTINGAR Í KAUPHÖLL FRÁ 1. JÚLÍ 2013



Þá telja sérfræðingar ekki merki um að lífeyrissjóðir í heild sé að nálgast einhvern endapunkt í fjárfestingum í hlutabréfum þó svo að einhverjir einstakir sjóðir kunni að vera að nálgast hámarkseign í stöku félögum.

Þá er bent á að þótt kastljósinu sé gjarnan beint að hlutabréfamarkaði og sveiflum þar hafi skuldabréfamarkaður verið

á fleygiferð með stanslausum hækkingum frá því fyrir hrun. Skuldabréfamarkaðurinn sé svo aftur grunnurinn að allri verðmyndun, hvort heldur það sé á markaði með hlutabréf, fasteignir eða eitthvað annað. Ekki sé ólíklegt að þar sé ekki síður að leita skýringa á hækkingu eignaverðs en í afkomutölum og stemningsfréttum af einstökum mörkuðum.



MANNAUÐSSTJÓRNUN

Developing your professional people management skills

Vinnustofa 19. september kl. 8:30–16:30.



Hagnýt vinnustofa þar sem unnið verður með raunveruleg dæmi í hópavinnu undir leiðsögn **Paul Kearns**, ráðgjafa í mannauðsstjórnun og kennara í MBA-námi við HR. Hvatt verður til þátttöku og umræðna.

Unnið verður með eftirfarandi fimm lykilþætti sem geta bætt árangur fyrirtækis:

- Forgangsröðun
- Greining hindrana
- Lykilmælikvarðar
- Mannauðsstjórnun til betri afkomu
- Skilvirkir ferlar



HÁSKÓLINN Í REYKJAVÍK
REYKJAVÍK UNIVERSITY



Skráning á:
mba@ru.is

SMÍÐIR VERKAMENN MÚRARAR

ERUM MEÐ VANA SMÍÐI,
VERKAMENN OG MÚRARAR SEM
ÓSKA EFTIR MIKILLI VINNU.
HANDAFL EHF

S. 777 2 333



Barnaheill
Save the Children á Íslandi

visir þú að...
börn eiga rétt á aðstoð
og hjálp ef þau koma í ofbeldi

Með ólæknandi silungsveiðidellu

Finnur Oddsson var nýverið ráðinn forstjóri Nýherja. Hann er meðal annars með doktorspróf í sálfræði og hefur brennandi áhuga á háskólamálum. Finnur segist eiga of mörg áhugamál miðað við tímann sem hann hefur til að sinna þeim.

„Nýja starfið leggst vel í mig og ég get ekki hugsað mér skemmtilegra verkefni til að takast á við,“ segir Finnur Oddsson, nýráðinn forstjóri Nýherja. Hann segir nýja starfið spennandi á ýmsan hátt.

„Þessi geiri sem við störfum í hér hjá Nýherja, upplýsingatæknin, er að mínu mati einstaklega spennandi. Upplýsingatæknin er að breyta heiminum og þegar maður horfir á atvinnulífið í landinu eru það fyrirtækin sem eru að nýta sér upplýsingatæknina hvað best sem skara mest fram úr. Upplýsingatæknin er orðin algjör undirstaða í atvinnurekstri og það er gaman að taka þátt í þeirri þróun,“ segir Finnur.

Spurður hvernig fyrstu dagarnir í starfinu hafi gengið segir Finnur þá hafa gengið að óskum. Hann gegndi áður starfi aðstoðarforstjóra fyrirtækisins og þá voru áherslur hans aðallega á rekstur Nýherja og innlenda starfsemi fyrirtækisins. Nýherji er einnig með starfsemi í Danmörku og Svíþjóð, sem er fyrst og fremst á sviði viðskiptahugbúnaðar, og Finnur hefur undanfarna daga verið að setja sig inn í þann heim.

Finnur lauk BA-prófi í sálfræði frá Háskóla Íslands árið 1994. Eftir það lá leiðin til Bandaríkjanna þar sem hann bjó í fimm ár og lauk bæði MA- og doktorsnámi í sálfræði frá West Virginia University. Finnur er að auki með AMP-



FINNUR ODDSSON Segir fyrstu dagana í starfi forstjóra Nýherja hafa gengið að óskum. FRÉTTABLAÐIÐ/VILHELM

gráðu í viðskiptafræði frá IESE á Spáni.

Hann er kvæntur Sigríði Þorgeirsdóttur, framkvæmdastjóra hjá Logos, og þau eiga saman tvo syni, Óttar sem er tólf ára og Dag sem er fjögurra ára.

Áhugamál Finns eru að hans sögn of mörg miðað við þann tíma sem hann hefur til að sinna þeim. „Ég eyði frítímanum aðallega með fjölskyldunni. Við reynum að fara eins oft og við getum upp í sumar-bústað og í ferðalög. Við erum með ólæknandi silungsveiðidellu og reynum að sinna henni á sumrin en okkur finnst skemmtilegast að veiða sjóbleikju á Norðurlandi. Síðan hef ég gaman af útivist, hjól-

reiðum og golfi og fer eins mikið og ég get á fjallaskíði,“ segir Finnur og útskýrir að það sé hálf gert jaðarsport þar sem gengið er upp á fjöll í þeim tilgangi að skíða niður.

Finnur hefur lengi verið viðloðandi háskólastarf. Hann starfði um árabil sem lektor við Háskólann í Reykjavík og er í dag formaður háskólaráðs skólans.

„Ég hef brennandi áhuga á háskólamálum og hvernig þau tengjast uppbyggingu atvinnulífsins. Fyrir mér er háskólinn einn mikilvægasti snertiflötur atvinnulífs og menntakerfisins. Það er þar sem þessi þekking, sem verðmætasköpunin byggir svo mikið á, verður til.“ haraldur@frettabladid.is

ELDKLÁR MEÐ GÓÐA NÆRVERU

Ég kynntist Finni fyrst í gegnum starf hans fyrir Viðskiptaráð. Finnur er bæði eldklár og kraftmikill einstaklingur. Hann er metnaðarfullur leiðtogi sem er drifinn áfram af því að gera betur í dag en í gær og helst enn betur á morgun. Hann vinnur faglega, setur sig vel inn í mál, tekur ákvörðun og kemur síðan hreyfingu á hlutina. Hann á mjög auðvelt með að umgangast fólk og drífa fólk með sér. Því mun hann ná langt í hverju sem hann tekur sér fyrir hendur. Svo er heldur ekkert leiðinlegt að vera í hans félagsskap.



HREGGVIDUR JÓNSSON, forstjóri Veritas Capital



KATRÍN OLGA JÓHANNESDÓTTIR, stjórnarformaður Já.is

Finnur er drengur góður. Hann hefur einstakan eiginleika til að setja sig inn í aðstæður og finna leiðir til lausna. Þar njóta skapgerðareiginleikar hans sín vel og ekki síður menntun hans. Finnur stóð sig með afbrigðum vel sem framkvæmdastjóri Viðskiptaráðs á erfiðum tímum, þegar traust til viðskiptalífsins hrapaði. Þar tókst honum að endurskapa traust með faglegum vinnubrögðum og hógvæð. Fyrirtækið Nýherji er heppið að hafa fengið Finn til sín og ég veit að hann á eftir að leiða fyrirtækið inn í spennandi tíma.

Við Finnur hófum bæði störf við viðskiptadeild HR þann 1. september 2001 og náðum strax vel saman, enda bæði sálfræðimenntuð og með áhuga á stjórnun. Á fyrstu dögnum fann hann alþjóðlegt samstarfsnet fyrir rannsóknir á mannauðsstjórnun og við flugum saman til Kýpur til að staðfesta þátttöku okkar í því. Það verkefni, CRANET-rannsóknaverkefnið, er enn í dag rekið í HR. Finnur hefur hlýjan hómur og góða nærveru en er um leið öflugur greinandi sem er fljótur að finna út hvað þarf að gera og tjáir sig þannig að fólk hlustar.



ÁSTA BJARNA-DÓTTIR, ráðgjafi hjá Capacent

TRYGGINGARÁLIT AUÐVELDAR INNFLUTNING

Arion banki býður fyrstur á Íslandi tryggingarálit (e. credit opinion) í samstarfi við Euler Hermes.

Tryggingarálit Arion banka er yfirlýsing um að viðkomandi innflutningsfyrirtæki sé viðurkennt af tryggingarfyrirtækinu Euler Hermes og geti fengið greiðslufallstryggingu. Tryggingarálit getur leitt til hagkvæmari greiðslukjara og liðkað til fyrir nýjum viðskiptum.

Kynntu þér málið á arionbanki.is eða komdu við í næsta útibúi Arion banka.

FYRIRTÆKI

SÆKIR UM
TRYGGINGARÁLIT



ARION BANKI

SENDIR GÖGNIN UM
FYRIRTÆKIÐ



EULER HERMES

GEFUR ÚT TRYGGINGAR-
ÁLIT Á FYRIRTÆKI





HULDA BJARNADÓTTIR,
framkvæmdastýra FKA

Hamingjusöm á kúpunni (415)

Mér tekst aldrei að vera neikvæð eða svartsýn lengur en í nokkrar mínútur. Og varla það. En stundum finnst mér ég ekki með inneign fyrir endalausri bjartsýni og gleði og þá reyni ég að vera sú svartsýna sem sér hið margumtalaða hálfótma glas. Og hvenær gerist það? Það er þegar ég heyri af gamla fólkinu okkar eða öryrkjum landsins sem dregur fram lífið með tikkullum nánast og er algjörlega háð ættingjum og vinum um framfærslu. Það er þegar talað er um skuldastöðu ríkisins og frasar um það að við höfum ekki efni á að reka okkar eigið velferðarsamfélag þrátt fyrir að greiða eina hæstu skatta í veröldinni. Það er bara eitthvað sem stemmir ekki í slíkri formúlu og þá er ástæða til furða sig á þessu öllu og taka smá svartsýniskast. Það er nú aldeilis illa komið fyrir okkur hér á þessari blessaðri eyju og allt það.

Samhengi hlutanna

Svo lít ég í kringum mig þegar ég hætti í svartsýniskastinu og sé fallega muni, hrein rými og heilbriggt og skynsamlegt fólk sem fer inn í daginn með það fyrir augum að gera sitt besta. Svo fer ég heim til mín í hreint eldhús og útbý ferska máltíð sem tryggir að börnin mín lamist ekki af næringarskort. Svo lendi ég í því að fara með barnið mitt í sjúkrahúsið upp á spítala og legg ekki út krónu fyrir það heldur nýti skattféð í það sinn. Svo geng ég út í búð og heyri dirrindi en ekki skothvelli eða í grátandi fólki úti á götu. Svo tek ég mér snjallsíma í hönd og les um stríðs- og óeirðafréttir úti í heimi í stað þess að upplifa þær. Svo umgengst ég vin sem er að takast á við illvígán sjúkdóm en getur samt hlegið og séð það fallega og fyndna í lífinu. Svo svæfi ég börnin mín án þess að þurfa að telja í þau kjark að sofna vegna hræðslunnar við árás um miðja nótt. Sjálf leggst ég á koddann án þess að vopnbúast.

Efst á hamingjulistanum

Fyrir þetta erum við Íslendingar sennilega þakklátastir og geri ég ráð fyrir því að þessir þættir skili okkur í 9. sæti yfir hamingjusömustu þjóðir veraldar skv. World Happiness Report frá Columbia University's Earth Institute. Við erum því, þrátt fyrir allt svartsýnistal, ein af hamingjusömustu þjóðum veraldar, hvort sem þessum neikvæðustu og svartsýnustu líkar það betur eða verr. Við lendum í 9. sæti af 156 þjóðum, rétt á eftir Kanadamönnum sem skipa 6. sæti. Við skákum þjóðum svo sem Ástralíu (10), Bandaríkjunum (17), Bretlandi (22), Þýskalandi (26), Japan (43), Rússlandi (68) og Kína (93). Ég leyfi mér því að fullyrða að íslenska þjóðin sé hamingjusöm þjóð á kúpunni. Ég get ekki séð að það sé svo slæmt. En sannaðu til það mun einhver bölv mér fyrir að sjá ekki hlutina í réttu ljósi.

Gagnrýnendur eru allir á sama máli,
FIMM STJÖRNU TÓNLEIKAR

The STRAITS

Eldborg Hörpu • 25. nóvember • Kl 20.00

Fyrirum meðlimir Dire Straits ásamt vel völdum, heimsklassa tónlistarmönnum flytja öll bestu lög hljómsveitarinnar á eftirminnilegan hátt.

„The first thing to realize is that is NOT Dire Straits, but what is important is the quality of the playing – and by this yardstick the Straits were excellent, with Terence Reis brilliantly imitating that distinctive Knopfler style”

„Amazing band, the best of all these "old bands" come back, without any hesitation. The lead singer/guitarist brings his personal style and voice, which makes it much more than a tribute to Mark Knopfler, and remind us that The Straits are not Dire Straits.”

„Well..... having seen Dire Straits seven times in my teens, 30 years was a long time to wait to hear the music again. But well worth the wait.... Guys thank you so much for forming the band again. We had a fabulous evening and it was amazing to hear those songs played live again.”

Miðasala hefst á miðvikudaginn á midi.is, harpa.is og í síma 528 50 50

Barnaheill
Save the Children á Íslandi

Vissir þú að...
barn eiga rétt á
vernd gegn einokri.

**KOMDU UPPLÝSINGUM UM ÞAÐ SEM ÞÚ
TELUR ÓLÖGLEGU EFNI Á NETINU TIL
RÉTTA YFIRVALDA**

SAFT

www.saft.is